

Автотээврийн хэрэгслийн бүртгэл хөтлөх, улсын дугаар олгох журам

Нэг. Нийтлэг үндэслэл

1.1. Энэхүү журмын зорилго нь автотээврийн хэрэгслийн бүртгэл хөтлөх, улсын бүртгэлийн дугаар олгох, тээврийн хэрэгслийн бүртгэл, мэдээллийн сан байгуулахтай холбогдсон харилцааг зохицуулахад оршино.

1.2. Гүйцэтгэх ажлын тухай хуульд заасны дагуу гүйцэтгэх ажлын зориулалтаар ашиглаж байгаа болон төрийн тусгай хамгаалалтын тухай хуулийн 6 дугаар зүйлд заасан албан тушаалтан, иргэн, Зэвсэгт хүчин, хилийн ба дотоодын цэрэг, онцгой байдлын албаны автотээврийн хэрэгслийн бүртгэл хөтлөх үйл ажиллагаа нь энэхүү журамд хамаарахгүй.

1.3. Автотээврийн хэрэгслийг бүртгэхдээ “Автотээврийн хэрэгслийн ангилал. Техникийн байдалд тавих ерөнхий шаардлага” MNS 4598:2025 стандарт, “Автотээврийн хэрэгсэл. Төрөл, нэр томъёо, тодорхойлолт” MNS ISO 3833:2010 стандартыг баримтална.

Хоёр. Тээврийн хэрэгслийн бүртгэл, мэдээллийн сан бүрдүүлэх

болон цахим үйлчилгээ

2.1. Мэдээллийн сан нь бүртгэлийн эх баримт бичиг бүхий архив, цахим мэдээллийн сангаас бүрдэх бөгөөд мэдээллийн сан бүрдүүлэх, ашиглахдаа эрх бүхий байгууллагаас гаргасан төрийн байгууллагуудын цахим мэдээллийн санг бүрдүүлэх, ашиглах, харилцан мэдээлэл солилцох үйл ажиллагааг зохицуулсан журам, зааврыг мөрдлөг болгоно.

2.2. Мэдээллийн сан нь төрийн үйлчилгээний болон зам, тээврийн салбарын мэдээллийн нэгдсэн сантай холбогдож, энэхүү журмын 2.1 дэх заалтын хүрээнд харилцан мэдээлэл солилцох нөхцөл, бололцоо бүрдүүлсэн байна.

2.3. Автотээврийн хэрэгслийн талаар бусад төрийн байгууллагуудаас авах мэдээллүүдийг бүртгэлийн байгууллага баримт бичиг шаардахгүй ба төрийн байгууллагуудын мэдээлэл солилцох журмын хүрээнд цахим сүлжээгээр дамжуулан мэдээллийг авч архивлана.

2.4. Үйлчлүүлэгч цахим хэлбэрээр үйлчилгээ авах нөхцөлийг бүртгэлийн байгууллагаас бүрдүүлсэн байна.

2.5. Үйлчлүүлэгч нь төрийн нэгдсэн үйлчилгээний системээр болон бүртгэлийн байгууллагын цахим системээр дамжуулан цахим үйлчилгээг авна.

2.6. Үйлчлүүлэгч нь өөр хоорондоо “Цахим гарын үсгийн тухай” хуулийн дагуу тоон гарын үсгээр баталгаажуулсан хэлцлийн дагуу бүртгэлийн байгууллага нь цахимаар бүртгэл хийнэ.

2.7. Цахимаар үйлчлүүлэгчид автотээврийн хэрэгслийн гэрчилгээ, улсын бүртгэлийн дугаарын тэмдэгтийг шуудангаар, эсхүл угтах үйлчилгээгээр дамжуулан хэрэглэгчид хүргэж болно. Шуудангаар хүргүүлсэн тохиолдолд тухайн үйлчилгээнд мөрдөж байгаа үнэ тариф нэмэгдэж тооцогдоно.

2.8. Өмчлөгчийн болон техникийн мэдээллийг энэхүү журмын нэгдүгээр болон хоёрдугаар хавсралтад заасны дагуу мэдээллийн санд бүртгэнэ.

2.9. Хөдлөх эд хөрөнгө болон эдийн бус хөрөнгийн барьцааны тухай хуулийн 35.1 дэх заалт “Бүртгэлийн байгууллага нь хөдлөх эд хөрөнгө болон эдийн бус хөрөнгийн барьцааны мэдэгдлийг бүртгэх цахим мэдээллийн сан /цаашид "цахим мэдээллийн сан" гэх/-тай байна.

2.10. Мэдээллийн санд автотээврийн хэрэгслийн марк, загвар, хөдөлгүүр, арлын болон цахим гэрчилгээ (RFID, Smart ID, OTP, FIDO...гэх зэрэг)-ний дугаарыг латин үсгээр, бусад мэдээллийг кирилл үсгээр бүртгэнэ.

2.11. Экспортлогч улсын холбогдох байгууллагатай хамтран ашиглагдаж байгаад импортоор орж ирсэн автотээврийн хэрэгслийн түүх агуулсан мэдээллийн сан бий болгох ажлыг зохион байгуулна.

2.12. Автотээврийн болон өөрөө явагч хэрэгслийн гэрчилгээг цахим болон цаасан хэлбэрээр олгоно. Гэрчилгээ нь монгол, англи хэл дээр байх ба өмчлөгчийн хүсэлтээр цаасан гэрчилгээг хэвлэнэ.

Гурав. Бүртгэлийн байгууллага, ажилтны эрх, үүрэг

3.1. Улсын бүртгэлийн ерөнхий хуульд заасан нийтлэг чиг үүргийг тээврийн хэрэгслийн бүртгэл хариуцсан байгууллага үйл ажиллагаандаа мөрдлөг болгоно.

3.2. Бүртгэлийн байгууллага нь энэхүү журамд заасан бүртгэл хөтлөхийн зэрэгцээ өөрийн үйл ажиллагаатай холбоотой статистик мэдээ, тайлан гаргах, өмчлөгчтэй холбоотой лавлагаа, мэдээлэл өгөх ажлыг хариуцан гүйцэтгэнэ.

3.3. Энэ журмын 5.5-д заасан хэлбэрээр үнэ хаялцуулж худалдан борлуулах улсын дугаарын жагсаалтыг бүртгэлийн байгууллага эрэмбэлэн мэдээллийн санд байршуулна.

3.4. Сайдаас эрх олгосны дагуу ажил хариуцуулан гүйцэтгүүлэх тухай гэрээнд бүртгэлийн байгууллагын эрх, үүргийн талаар тодорхой тусгасан байна.

3.5. Сонирхол татахуйц улсын бүртгэлийн дугаарыг үнэ хаялцуулах замаар худалдан борлуулна.

3.6. Үнэ хаялцуулах ажиллагааг Иргэний хуулийн 197 дугаар зүйлийн холбогдох заалтыг үндэслэн бүртгэлийн байгууллага бусад байгууллагатай хамтран цахим хэлбэрээр зохион байгуулна.

3.7. Үнэ хаялцуулах ажиллагаагаар төвлөрүүлсэн орлогоос үйл ажиллагааны зардлыг тооцон суутгаж холбогдох хууль тогтоомжийн дагуу тусгай санд төвлөрүүлнэ.

3.8. Бүртгэлийн байгууллага нь автотээврийн болон өөрөө явагч хэрэгслийн бүртгэл хөтлөх, улсын дугаар олгох үйл ажиллагааг нийтэд нээлттэй ил тод зохион байгуулж, иргэн, хуулийн этгээд улсын бүртгэлийн дугаарыг сонгон захиалах боломжоор хангасан байна.

3.9. Нийслэлд олгогдох улсын дугаар нь иргэд олон нийтэд ил тод харагдах бөгөөд улсын дугаар авах захиалга өгсөн (жагсаалтанд орсон) иргэн хуулийн этгээдийн захиалга өгсөн мэдээлэл ил тод нээлттэй байна.

3.10. Бүртгэлийн ажилтан нь Улсын бүртгэлийн ерөнхий хуульд заасан нийтлэг эрх, үүргийг хүлээх бөгөөд ажлын байрны тодорхойлолтод нарийвчлан заасан байна.

3.11. Бүртгэлийн ажилтан нь автотээврийн хэрэгслийн бүртгэлтэй холбоотой мэдээлэлд албан бус хайлт хийх, ашиглах, төрийн болон албаны нууц, байгууллага, хувь хүний нууцтай холбоотой мэдээллийг задруулахгүй байх үүрэг хүлээнэ.

3.12. Цахим хүсэлт нь Цахим гарын үсгийн тухай хуулийн шаардлагыг бүрэн хангасан байх бөгөөд иргэн, хуулийн этгээдийн санаатай болон санамсаргүй байдлаас үүссэн аливаа эрсдэлийг бүртгэлийн байгууллага хариуцахгүй болно.

Дөрөв. Автотээврийн хэрэгслийн бүртгэл хөтлөх

Бүртгэлийн байгууллага нь автотээврийн болон өөрөө явагч хэрэгслийн өмчлөх эрхийн болон ашиглалттай холбоотой бүртгэлийг холбогдох хууль тогтоомж, энэхүү журамд нийцүүлэн хөтөлнө.

4.1. Автотээврийн хэрэгслийн бүртгэл нь дараах төрөлтэй байна.

4.1.1. автотээврийн хэрэгслийг шинээр бүртгэх;

4.1.2. автотээврийн хэрэгслийн шилжилт хөдөлгөөний бүртгэл;

4.1.3. автотээврийн хэрэгслийн өмчлөгчийн болон техникийн мэдээлэл, засвар өөрчлөлтийн бүртгэл;

4.1.4. автотээврийн хэрэгслийн улсын бүртгэлийн дугаар, гэрчилгээ нөхөн олгох;

4.1.5. автотээврийн хэрэгслийн улсын бүртгэлийн дугаарын өөрчлөлт, солилт, хадгалалт

4.1.6. автотээврийн хэрэгсэлд түр дугаар олгох

4.1.7. автотээврийн хэрэгслийн бүртгэлийг сэргээх;

4.1.8. автотээврийн хэрэгслийг бүртгэхээс татгалзах

Тав. Автотээврийн хэрэгсэлийг бүртгэх, улсын дугаар олгох

5.1. Автотээврийн хэрэгслийн улсын бүртгэлийн дугаарын тэмдэг. 1-р хэсэг. Ерөнхий шаардлага. MNS 4410- стандартад заасан улсын бүртгэлийн дугаарыг дараах автотээврийн хэрэгсэлд олгоно:

5.1.1. автомашины энгийн улсын бүртгэлийн дугаарыг төрийн болон орон нутгийн өмчит байгууллага, дипломат байгууллагын, технологийн, эко болон нийтийн тээврийн үйлчилгээнд ашиглагдаж байгаагаас бусад "Автотээврийн хэрэгслийн техникийн байдалд тавих ерөнхий шаардлага" MNS4598:2025 стандартын 4.1 дэх Тээврийн хэрэгслийн ангилалын М₁, N₁ ангилалын тээврийн хэрэгсэлд;

- 5.1.2. мотоциклын улсын бүртгэлийн дугаарыг "Автотээврийн хэрэгслийн техникийн байдалд тавих ерөнхий шаардлага" MNS4598:2025 стандартын 4.1 дэх Тээврийн хэрэгслийн ангилалын L₃, L₄, L₅, L₇ ангилалын тээврийн хэрэгсэлд;
 - 5.1.3. дипломат байгууллагын автотээврийн хэрэгслийн улсын бүртгэлийн дугаарыг Монгол Улсад үйл ажиллагаа явуулж буй гадаад улсын элчин сайдын яам, консулын газар, Олон улсын гэрээний тухай хуулийн 3 дугаар зүйлийн 3.1.6-д заасан Олон улсын байгууллага /Нэгдсэн Үндэстний байгууллага, Европын Холбооны суурин төлөөлөгч/ болон тэдгээрийн дипломат ажилтны хувийн автомашинд;
 - 5.1.4. нийтийн тээврийн хэрэгслийн улсын бүртгэлийн дугаарыг зорчигч тээврийн стандартаар тогтоосон шаардлагуудыг хангасан нийтийн тээврийн үйлчилгээнд ашиглагдаж буй бүх төрлийн автобус, таксинд;
 - 5.1.5. эко улсын бүртгэлийн дугаарыг Бүрэн цахилгаан хөдөлгүүрт тээврийн хэрэгсэл болон туулах зай уртасгагчтай цахилгаан хөдөлгүүрт тээврийн хэрэгсэлд;
 - 5.1.6. технологийн тээврийн хэрэгслийн улсын бүртгэлийн дугаарыг "Автотээврийн хэрэгслийн техникийн байдалд тавих ерөнхий шаардлага" MNS4598:2025 стандартын 5.1 Нийтийн хэрэгцээний авто замаар зорчих тээврийн хэрэгслийн оврын хэмжээнээс дээш үзүлэлт бүхий тээврийн хэрэгсэлд ;
 - 5.1.7. хүнд машин, механизмын улсын бүртгэлийн дугаарыг "Автотээврийн хэрэгслийн техникийн байдалд тавих ерөнхий шаардлага" MNS4598:2025 стандартын 4.1 дэх T, C, R, S ангилалын тээврийн хэрэгсэлд;
 - 5.1.8. Олон улсын ачаа тээвэрлэлт гүйцэтгэх болон олон улсад зорчих тээврийн хэрэгсэлд "НАА" серийн дугаар олгоно.
 - 5.1.9. чиргүүлийн улсын бүртгэлийн дугаарыг "Автотээврийн хэрэгсэл. Төрөл, нэр томъёо, тодорхойлолт" MNS ISO 3833:2010 стандартын 3.2-т заасан, "Автотээврийн хэрэгслийн техникийн байдалд тавих ерөнхий шаардлага" MNS4598:2025 стандартын O₂, O₃, O₄ ангилалын тээврийн хэрэгсэлд тус тус олгоно.
- 5.2. Автотээврийн хэрэгслийн гэрчилгээ нь Автотээврийн хэрэгслийн улсын бүртгэлийн дугаарын тэмдэг. 1-р хэсэг. Ерөнхий шаардлага. MNS 4410 стандартад заасны дагуу "энгийн", "эко", "нийтийн зорчигч тээвэр", "технологийн" гэсэн улсын бүртгэлийн дугаарын дэвсгэр өнгийг бичих талбартай байна.
- 5.3. Автотээврийн хэрэгслийг төрийн болон орон нутгийн өмчит байгууллага, нийтийн зорчигч тээврийн үйлчилгээнд ашиглаж эхлэх болон хасагдах тохиолдолд эрх бүхий байгууллагын тодорхойлолтыг үндэслэн улсын бүртгэлийн дугаарын сери болон тоог өөрчлөхгүйгээр зөвхөн дэвсгэр өнгийг өөрчлөн сольж олгоно.
- 5.4. Үнэ хаялцуулах ажиллагааны ялагчтай байгуулсан гэрээ, улсын бүртгэлийн дугаарын захиалгыг үндэслэн зөвхөн түүний өмчлөлийн тээврийн хэрэгсэлд тухайн дугаарыг олгоно.
- 5.5. Автотээврийн хэрэгслийн улсын бүртгэлийн дугаарыг өмчлөгчийн засаг захиргаа нутаг дэвсгэрийн харьяаллын дагуу олгоно.
- 5.6. Банк болон банк бус санхүүгийн байгууллагаар дамжуулан улсын бүртгэлд бүртгүүлэх тохиолдолд Өмчлөгчийн хүсэлтээр эзэмшигчийн засаг захиргаа, нутаг дэвсгэрийн харьяаллын дагуу улсын бүртгэлийн дугаар олгож болно.

Зургаа. Автотээврийн хэрэгслийн бүртгэлийн үйлчилгээ

6.1. Автотээврийн хэрэгслийг шинээр бүртгэх

- 6.1.1. Импортоор оруулж ирсэн болон Монгол Улсад үйлдвэрлэсэн автотээврийн хэрэгслийг мэдээллийн санд шинээр бүртгэнэ.
- 6.1.2. Шинээр бүртгэсэн автотээврийн хэрэгсэлд улсын бүртгэлийн дугаар, өөрөө явагч тээврийн хэрэгсэлд цахим болон цаасан гэрчилгээ олгоно.
- 6.1.3. Монгол улсын иргэн, хуулийн этгээд автотээврийн хэрэгслийг шинээр бүртгэхэд хавсралтад заасан Бүрдүүлэх нийтлэг баримт бичгийг бүрдүүлнэ.
- 6.1.4. Бүрдүүлэх нийтлэг баримт бичгийн 5-д заасныг үрэгдүүлсэн тохиолдолд эрх бүхий байгууллагаас авсан хуулбар лавлагаа, хэвлэл мэдээллийн хэрэгслээр зарлуулж хүчингүй болсон тухай баримт бичгийг тус тус үндэслэн бүртгэнэ.
- 6.1.5. Барааг гаалийн нутаг дэвсгэрт түр хугацаагаар оруулах горимоор орж ирсэн тээврийн хэрэгслийг горим үйлчлэх хугацаанд бусдад шилжүүлэхгүй.
- 6.1.6. Автотээврийн хэрэгслийн техникийн үзүүлэлтийг Техникийн хяналтын үзлэгийн мэдээлэлд үндэслэн бүртгэлийн санд бүртгэнэ.

6.2. Автотээврийн хэрэгслийн шилжилт хөдөлгөөний бүртгэл

- 6.2.1. Шилжүүлж буй өмчлөгчөөс олгосон эрх, түүний ирүүлсэн хүсэлтийн дагуу тухайн автотээврийн болон өөрөө явагч хэрэгслийн шилжилт хөдөлгөөнийг бүртгэнэ.
- 6.2.2. Автотээврийн хэрэгслийн шилжилт хөдөлгөөнийг өмчлөгч тоон гарын үсэг ашиглан цахимаар хийсэн тохиолдолд шилжүүлэн авч байгаа иргэн, хуулийн этгээд 24 цагийн дотор баталгаажуулна. Заасан хугацаанд өөрийн нэр дээр баталгаажуулж шилжүүлээгүй тохиолдолд тухайн бүртгэлийн үйлчилгээ цуцлагдах ба гарсан аливаа асуудлыг иргэн, хуулийн этгээд бүрэн хариуцна.
- 6.2.3. Монгол улсын иргэн, хуулийн этгээд автотээврийн болон өөрөө явагч хэрэгслийн шилжилт хөдөлгөөнийг Бүрдүүлэх нийтлэг баримт бичгээс гадна дараах баримт бичгийг үндэслэн шинэчлэн бүртгүүлнэ. Үүнд:
 - 6.1.1.1. шилжүүлэн авсан болон шилжүүлэн өгсөн байгууллагын хүсэлт;
 - 6.1.1.2. Автотээврийн хэрэгслийн шилжилт хөдөлгөөнийг өмчлөх эрхийг шилжүүлсэн тухай шүүхийн хүчин төгөлдөр шийдвэр ⁱ;
 - 6.1.1.3. Хуулийн этгээд татан буугдсан тохиолдолд эрх бүхий этгээдийн шийдвэр болон улсын бүртгэлийн байгууллагын тодорхойлолт.
- 6.1.2. Автотээврийн хэрэгслийн өмчлөгч иргэн нас барсан тохиолдолд өвлөх эрхийн гэрчилгээг үндэслэн өвлөгчийн нэр дээр шилжүүлэн бүртгэнэ.
- 6.1.3. Эрх бүхий байгууллагын шийдвэрээр автотээврийн хэрэгслийг бусдын өмчлөлд шилжүүлэхийг хязгаарласан, цуцалсан, өмчлөх эрхийг баталгаажуулсан бол уг шийдвэрийг үндэслэн бүртгэж мэдээллийн санд оруулна.

6.1.4. Монгол Улсын Иргэний хуулийн дагуу өмчлөх эрх шилжүүлэх гэрээ байгуулагдсаны дараа тээврийн хэрэгслийн гэрчилгээг үрэгдүүлсэн тохиолдолд тухайн гэрээнд заасан өмчлөгчийн нэр дээр шилжүүлэн бүртгэнэ.

6.1.5. Автотээврийн хэрэгслийн албан татвар, хуулиар оногдуулсан торгууль, олон улс, улсын чанартай болон тусгай зориулалтын авто зам ашигласны төлбөрийг тээврийн хэрэгслийн өмчлөгч, эзэмшигч иргэний бүртгэлийн дугаар болон хуулийн этгээдийн улсын бүртгэлийн регистрийн дугаараар шалгана.

6.2. Автотээврийн хэрэгслийн өмчлөгчийн болон техникийн мэдээлэл, засвар өөрчлөлтийн бүртгэл

6.2.1. Автотээврийн хэрэгслийн өмчлөгчийн болон техникийн мэдээлэл, засвар өөрчлөлтийн бүртгэлд дараах мэдээлэл хамаарна. Үүнд:

6.2.1.1. автотээврийн хэрэгслийн зориулалтын өөрчлөлт;

6.2.1.2. өнгөний өөрчлөлт;

6.2.1.3. хөдөлгүүр солих ;

6.2.1.4. өмчлөгчийн хүсэлтээр эзэмшигчийн мэдээлэл

6.2.2. Тухайн автотээврийн хэрэгслийн зориулалтыг зөвхөн үйлдвэрлэгчийн зөвшөөрлөөр өөрчлөх ба үйлдвэрлэгчээс эрх олгогдсон авто үйлчилгээний байгууллагаар хийлгэж дүгнэлт гаргуулсан байна.

6.2.3. Монгол Улсын иргэн, хуулийн этгээд өмчлөгчийн болон техникийн өөрчлөлтийг Бүрдүүлэх нийтлэг баримт бичгээс гадна техникийн өөрчлөлт нь стандартын шаардлага хангаж байгааг нотолсон техникийн хяналтын үзлэгийн дүгнэлт хавсаргана.

6.2.4. Тээврийн хэрэгслийн бүртгэл, мэдээллийн санд мэдээлэл нь зөрүүтэй, алдаатай бүртгэгдсэн мэдээллийг Бүрдүүлэх нийтлэг баримт бичиг, архивын болон бусад холбогдох баримт бичиг үндэслэн өөрчилнө.

6.3. Автотээврийн хэрэгслийн улсын бүртгэлийн дугаар, гэрчилгээ нөхөн олгох

6.3.1. Автотээврийн хэрэгслийн гэрчилгээ болон улсын бүртгэлийн дугаарыг хаяж, үрэгдүүлсэн болон цаашид ашиглах боломжгүй болсон тохиолдолд нөхөн олгоно.

6.3.2. Цаашид ашиглах боломжгүй болсон автотээврийн хэрэгслийн гэрчилгээ, улсын бүртгэлийн дугаарыг өмчлөгчийн хүсэлтээр сольж олгоно.

6.3.3. Эрх бүхий байгууллагын шийдвэрээр автотээврийн хэрэгслийг бусдын өмчлөлд шилжүүлэхийг хязгаарласан тохиолдолд шийдвэр гаргасан байгууллагын зөвшөөрлийг үндэслэн нөхөх болон сольж олгоно.

6.4. Автотээврийн хэрэгслийн улсын бүртгэлийн дугаарын өөрчлөлт, солилт, хадгалалт

6.4.1. Улсын бүртгэлийн дугаарыг өөрчилж, сольсон тохиолдолд өмчлөгч хүсэлт гаргаагүй бол өмнөх улсын бүртгэлийн дугаарын тэмдгийг заавал хураан авч, устгалд оруулна.

6.4.2. Бүртгэлийн байгууллагад улсын бүртгэлийн дугаараа хураалгаагүй тохиолдолд гарах аливаа асуудлыг холбогдох хуулийн хүрээнд өмчлөгч өөрийн биеэр хариуцна.

6.4.3. Автотээврийн хэрэгслийн улсын бүртгэлийн дугаарыг өөрчлөх, солих, хооронд нь солих тохиолдолд Монгол Улсын иргэн, хуулийн этгээд Бүрдүүлэх нийтлэг баримт бичиг 1-2, 10-17 бүрдүүлнэ.

6.4.4. Улсын бүртгэлийн дугаарыг өмчлөгчийн хүсэлтээр тухайн оршин суух засаг захиргаа, нутаг дэвсгэрийн нэгжийн харьяаллын дагуу сольж, өөрчилнө.

6.4.5. Эрх бүхий байгууллагын шийдвэрээр автотээврийн хэрэгслийг бусдын өмчлөлд шилжүүлэхийг хязгаарласан тохиолдолд улсын бүртгэлийн дугаарыг өөрчлөх, солих бүртгэл хийгдэхгүй.

6.4.6. Автотээврийн хэрэгслийн улсын бүртгэлийн дугаарыг хадгалах хугацаа 6 сар хүртэл байх ба хугацааг дахин сунгаж болно. Хадгалсан дугаарыг худалдах, бэлэглэх, барьцаалах замаар бусдад шилжүүлж болно.

6.4.7. Автотээврийн хэрэгслийн өмчлөгч, эзэмшигч автотээврийн хэрэгслийг орон нутгийн бүртгэлд бүртгүүлсэн эсхүл ашиглалтаас хасуулсан бол автотээврийн хэрэгслийн улсын бүртгэлийн дугаарыг өөр автотээврийн хэрэгсэлд ашиглаж болно.

6.4.8. Автотээврийн хэрэгслийн улсын дугаарын давхацлыг архивын баримт бичгийг үндэслэн олгосон огнооны дагуу шийдвэрлэнэ.

6.5. Автотээврийн хэрэгсэлд түр дугаар олгох

6.5.1. Автотээврийн хэрэгсэлд түр дугаарыг дараах тохиолдолд олгоно.

6.5.1.1. экспортод гаргах зорилгоор автотээврийн хэрэгслийн бүртгэлээс хасагдсан тээврийн хэрэгсэлд “Автотээврийн хэрэгслийн улсын дугаарын тэмдэг. 1-р хэсэг: ерөнхий шаардлага”. MNS 4410-1:2002¹ стандартын D хавсралтын 4 дэх зурагт заасан загварын хүрээнд түр дугаарыг олгоно.

6.5.1.2. автотээврийн хэрэгсэл худалдаалах албан ёсны эрх бүхий байгууллагын худалдан борлуулахаар импортоор оруулж ирсэн автотээврийн хэрэгсэлд иргэн хуулийн этгээдийн хүсэлтийг үндэслэн гаалийн хилээр нэвтрүүлэх барааны мэдүүлэгт үндэслэн үзэсгэлэн худалдаанд оролцох зорилгоор авто замын хөдөлгөөнд оролцох үед;

6.5.1.3. барааг түр хугацаагаар оруулах тухай Стамбулын конвенцийн хавсралт А-д заагдсан АТА, СРТ карнейг үндэслэн түр дугаар олгохдоо холбогдох Олон улсын гэрээ хэлэлцээрийн хүрээнд хугацааг тогтооно.

6.5.1.4. Техникийн хяналтын үзлэгт тэнцсэн байна.

6.5.2. Экспортод гаргах зорилгоор автотээврийн хэрэгслийн бүртгэлээс хасагдсан тээврийн хэрэгсэлд олгох түр дугаарын үйлчлэх хугацаа 72 цагаас хэтрэхгүй ба хасалтын тодорхойлолт хамт олгоно;

6.5.3. Жолоочийн даатгалын тухай хуулийн 5 дугаар зүйлийн 5.2¹ дах заалтын дагуу тээврийн хэрэгслийн өмчлөгч Жолоочийн даатгалд даатгуулна.

6.5.4. Импортоор орж ирсэн автотээврийн хэрэгслийг Автотээврийн тухай хуулийн 17¹ дэх хэсэгт заасан хугацаанд гаалийн хяналтын талбайгаас өмчлөгчийн хүсэлт гаргасан байршил хүртэл гаалийн хилээр нэвтрүүлэх барааны мэдүүлгийг үндэслэн түр дугаар авч, авто замын хөдөлгөөнд оролцоно.

6.5.5. Албан ёсны эрх бүхий байгууллагын хүсэлт, гаалийн хилээр нэвтрүүлэх барааны мэдүүлэг, хуулийн этгээдийн улсын бүртгэлийн гэрчилгээ болон хуулбарыг үндэслэн түр дугаарыг олгоно.

6.5.6. Монгол Улсын нутаг дэвсгэрээр дамжин өнгөрч байгаа автотээврийн хэрэгсэлд түр дугаар олгох зохицуулалтыг Замын хөдөлгөөний тухай конвенцийн дагуу шийдвэрлэнэ.

6.5.7. Замын хөдөлгөөний тухай конвенцид нэгдэн ороогүй улсын автотээврийн хэрэгсэлд түр дугаар олгох асуудлыг Засгийн газрын хооронд байгуулсан автотээврийн хэлэлцээрийн дагуу шийдвэрлэнэ.

6.5.8. Түр дугаарыг “Автотээврийн хэрэгслийн улсын дугаарын тэмдэг. 1-р хэсэг: ерөнхий шаардлага”. MNS 4410-1:2002¹ стандартын D хавсралтын 4 дэх зургийн “Transit” гэдгийн оронд албан ёсны борлуулагчийн нэр, “дугаарын оронд автотээврийн хэрэгслийн арлын дугаарыг бичиж олгоно.

6.6. Автотээврийн хэрэгслийн бүртгэл сэргээх

6.6.1. Автотээврийн хэрэгслийн бүртгэлийг дараах тохиолдолд нэг удаа сэргээнэ. Үүнд:

6.6.1.1. Бүртгэлийн байгууллага хассан тохиолдолд

6.6.1.2. өмчлөгч зөрчлөө арилгасны дараа;

6.6.1.3. Мэдээллийн санд бүртгэл хийгдээгүй байгаа тээврийн хэрэгслийг архивын баримтыг үндэслэн

6.6.2. Хасагдсан тээврийн хэрэгслийн бүртгэлийг сэргээхэд дараах баримт бичгийг бүрдүүлнэ. Үүнд:

6.6.2.1. хүсэлт ;

6.6.2.2. иргэн, хуулийн этгээдийн үнэмлэх, гэрчилгээний хуулбар;

6.6.2.3. тээврийн хэрэгсэл нь стандартын шаардлага хангасан тухай техникийн хяналтын үзлэгийн дүгнэлт;

¹ Жолоочийн даатгалын тухай хуулийн 5.2 “Тээврийн хэрэгслийн өмчлөгч жолоочийн даатгалд даатгуулаагүй тохиолдолд тээврийн хэрэгслийг ашиглан замын хөдөлгөөнд оролцох, тээврийн хэрэгслийг техникийн хяналтын үзлэгт оруулах, улсын бүртгэлд бүртгүүлэхийг хориглоно.”

- 6.6.2.4. автотээврийн хэрэгслийн гэрчилгээг хаяж гээгдүүлсэн тохиолдолд хүчингүй болгосон тухай хэвлэл мэдээллийн хэрэгслээр зарлуулсан баримт
- 6.6.2.5. Бүрдүүлэх баримт бичгийн 1-2, 10-17д заасан баримт бичиг

6.9. Автотээврийн хэрэгслийг бүртгэхээс татгалзах

6.9.1. Дараах тохиолдолд автотээврийн хэрэгслийг бүртгэхээс татгалзана. Үүнд:

- 6.9.1.1. баримт бичиг нь бүрэн бус, мэдээлэл зөрүүтэй, засварласан;
- 6.9.1.2. техникийн хяналтын үзлэгт тэнцээгүй;
- 6.9.1.3. автотээврийн болон өөрөө явагч хэрэгслийн албан татвар төлөөгүй байх;
- 6.9.1.4. хуулийн дагуу оногдуулсан торгуулийг, болон олон улс, улсын чанартай болон тусгай зориулалтын авто зам ашигласны төлбөр төлж барагдуулаагүй;
- 6.9.1.5. эрх бүхий байгууллагын зөвшөөрөлгүй зориулалтыг өөрчилсөн;
- 6.9.1.6. шилжүүлж буй өмчлөгч, итгэмжлэгдсэн төлөөлөгч биечлэн ирээгүй;
- 6.9.1.7. улсын тэмдэгтийн хураамж, автотээврийн хэрэгслийн гэрчилгээний үнэ, үйлчилгээний хөлс төлөөгүй;
- 6.9.1.8. эрх бүхий байгууллага, албан тушаалтнаас автотээврийн хэрэгслийн шилжилт хөдөлгөөнд хязгаарлалт хийсэн;
- 6.9.1.9. Жолоочийн даатгалын тухай хуулийн 5 дугаар зүйлийн 5.2-т заасны дагуу тээврийн хэрэгслийн өмчлөгч жолоочийн даатгалд даатгуулаагүй.
- 6.9.1.10. хилээр нэвтрүүлэх барааны гаалийн мэдүүлэгт “сэлбэг”, “бүхээг” гэж бичигдсэн тохиолдолд улсын дугаар олгохоос татгалзана.
- 6.9.1.11. Бүртгэлийн мэргэжилтэн нь тухайн автотээврийн хэрэгслийг бүртгэхээс татгалзсан тохиолдолд татгалзсан үндэслэлийг тодорхой тайлбарлан бүртгэлийн мэдүүлэгт тэмдэглэж, гарын үсэг зурж хувийн дугаар бүхий тэмдэг дарна.

6.9.2. Хөдлөх эд хөрөнгө болон эдийн бус хөрөнгийн барьцаа нь хуульд зааснаар, эсхүл барьцаалагч, барьцаалуулагчийн хооронд байгуулсан гэрээний үндсэн дээр үүснэ.

6.9.3. Барьцаанд бүртгүүлсэн автотээврийн болон өөрөө явагч хэрэгслийн шилжилт хөдөлгөөн, хасалт, сэргээх зэрэг бүртгэлийн үйлчилгээ хийхгүй.

Долоо. Бусад зүйл

7.1. Автотээврийн хэрэгслийн бүртгэлийн үйл ажиллагаатай холбоотой санал, гомдлыг “Иргэдээс төрийн байгууллага, албан тушаалтанд гаргасан өргөдөл, гомдлыг шийдвэрлэх тухай” хуулийн хүрээнд шийдвэрлэнэ.

7.2. Бүртгэлийн байгууллага нь автотээврийн хэрэгслийн бүртгэл хөтлөх, улсын дугаар олгох үйл ажиллагаатай холбоотой тайлан мэдээг гаргаж автотээврийн асуудал эрхэлсэн төрийн захиргааны төв байгууллагыг мэдээллээр хангана.

7.3. Автотээврийн хэрэгслийн гэрчилгээ, бүртгэлийн мэдүүлэг, экспортын сертификатын загварыг батлах, хэвлүүлэх, хадгалах, зарцуулах үйл ажиллагаанд автотээврийн асуудал эрхэлсэн төрийн захиргааны төв байгууллага хяналт тавина.

7.4. Энэхүү журмыг зөрчсөн иргэн, хуулийн этгээдэд холбогдох хууль тогтоомжийн дагуу хариуцлага хүлээлгэнэ.

-----oO-----

Төсөл

Хоёрдугаар хавсралт

АВТОТЭЭВРИЙН ХЭРЭГСЛИЙН ЦАХИМ ГЭРЧИЛГЭЭНИЙ ЗАГВАР



МОНГОЛ УЛС

АВТОТЭЭВРИЙН ХЭРЭГСЛИЙН ЦАХИМ ГЭРЧИЛГЭЭ

Certificate of vehicle registration

Дугаар



Ургийн овог:
Family name

Овог:
Surname

Нэр:
Given name

Хаяг:
Address

Утасны дугаар:
Phone number

РД:

ТЕХНИКИЙН ТОДОРХОЙЛОЛТ Technical specification

1	Улсын дугаар Registration plate number		9	Аргын дугаар Class number	
2	Марк Make		10	Хөдөлгүүрийн дугаар Engine number	
3	Загвар Model		11	Үйлдвэрлэсэн он Year of manufacture	
4	Ангилал, хөдөлгүүрийн багтаамж Category, engine displacement		12	Импортолсон өгнөө Date of importation	
5	Бүх жин Gross vehicle weight		13	Өнгө Color	
6	Даац, суудлын тоо Loading capacity, number of seats		14	Улсын дугаарын дэвсгэр өнгө Registration plate color	
7	Төрөл Type		15	Техникийн хяналтын үзэл Technical inspection	
8	Зориулалт Vehicle designation				

Жич: Цахим архивын лавлагаа нь архивын баримт, эх сурвалжид тулгуурлан гаргах хууль зүйн хүчин төгөлдөр, албан ёсны баримт мөн.



Олгосон байгууллагын нэр:
Issuing authority:

Олгосон огноо: он сар өдөр

ᠮᠣᠩᠭᠣᠯ ᠤᠯᠤᠰ

Төсөл

Гуравдугаар хавсралт

АВТОТЭЭВРИЙН ХЭРЭГСЛИЙН ГЭРЧИЛГЭЭНИЙ ЗАГВАР

ТЕХНИКИЙН ТОДОРХОЙЛОЛТ Technical specifications	MGL	ГЭРЧИЛГЭЭ ОЛГОСОН БАЙГУУЛЛАГА Certificate issuing authority
Улсын бүртгэлийн дугаар Registration plate number	Хөдөлгүүрийн дугаар Engine number	
Марк, загвар Make, model	Үйлдвэрлэсэн он Year of manufacture	
Ангилал, хөдөлгүүрийн багтаамж Category, engine displacement	Импортолсон огноо Date of importation	Бүртгэлийн ажилтан Registration officer
Бүх жин Gross vehicle weight	Өнгө, Color	Тэмдэг Stamp
Даавц, суудлын тоо Loading capacity, number of seats	Тээвэлзгийн тоо Axes	Гарын үсэг Signature
Төрөл Type	Улсын бүртгэлийн дугаарын өнгө Color registration plate numberОн.....сар.....өдөрҮҮҮҮ.....ММ.....ДД
Зориулалт Vehicle designation	Өмчлөгч Owner	Тусгай тэмдэглэл additional note
VIN дугаар, VIN number		
Арлын дугаар, Chassis number	Хаяг Address	
Бүхээгийн дугаар, Cabin number		

№ 00000000

ТЕХНИКИЙН ХЯНАЛТЫН ҮЗЛЭГ TECHNICAL INSPECTION			MGL	МОНГОЛ УЛС MONGOLIA
Он, Сар, Өдөр YYYY.MM.DD	Техникийн байдал Technical status	Гарын үсэг Тэмдэг signature Stamp	САНАМЖ	
			АВТОТЭЭВРИЙН ХЭРЭГСЭЛ ӨМЧЛӨГЧ ТА:	
			<ul style="list-style-type: none"> ❖ Шинээр автотээврийн хэрэгсэл өмчилж авсан бол 72 цагийн дотор; ❖ Ашиглалтаас хассан бол 1 сарын дотор; ❖ Нэр, хаяг, арлын болон хөдөлгүүрийн дугаар, өнгө өөрчлөгдсөн бол 7 хоногийн дотор тус тус бүртгүүлэх; ❖ Жолоочийн хариуцлагын даатгалд хамрагдах; ❖ Хуульд заасан хугацаанд албан татвараа төлөх; ❖ Тогтоосон хугацаанд техникийн хяналтын үзлэгт хамруулах үүрэгтэй 	
				 CERTIFICAT D'IMMATRICULATION DU VEHICULE АВТОТЭЭВРИЙН ХЭРЭГСЛИЙН БҮРТГЭЛИЙН ГЭРЧИЛГЭЭ CERTIFICATE OF VEHICLE REGISTRATION MGL
Засвартай бол хүчингүй Not valid if edited				

№ 00000000

Бүрдүүлэх нийтлэг баримт бичиг

	Иргэн	Хуулийн этгээд
1	хүсэлт	хүсэлт
2	иргэний үнэмлэх, болон түүнтэй адилтгах цахим лавлагаа	хуулийн этгээдийн улсын бүртгэлийн гэрчилгээ болон хуулбар;
3	Монгол Улсад байнга болон түр оршин суугч гадаад улсын иргэн, харьяалалгүй хүн гадаад паспорт, оршин суух үнэмлэх	гадаад харилцааны асуудал эрхэлсэн төрийн захиргааны төв байгууллагын хүсэлт/Дипломат/
4	Гаалийн бүртгэлийн маягт/шинээр бүртгүүлэх, түр дугаар/	
5	Импортоор оруулж ирсэн шинэ болон ашиглагдаж байсан автотээврийн хэрэгслийн үйлдвэрлэгчийн, эсхүл экспортын дагалдах баримт бичиг, автотээврийн хэрэгслийг тухайн улсаас экспортлохын өмнөх үеийн техникийн хяналтын үзлэгийн дүгнэлт/шинээр бүртгүүлэхэд/	

6	үйлдвэрээс тусгай тоноглол суурилагдсан автотээврийн хэрэгслийн хувьд нэмэлт төхөөрөмжийн техникийн байдлыг мэргэжлийн эрх бүхий байгууллагаар шалгуулж баталгаажуулсан дүгнэлт/шинээр бүртгүүлэхэд/
7	Монгол Улсад үйлдвэрлэсэн автотээврийн хэрэгслийн хувьд тохирлын болон техникийн гэрчилгээ, автотээврийн хэрэгслийн таних тэмдгийн дугаар /VIN code/ олгосон тухай баталгаажуулсан баримт /шинээр бүртгүүлэхэд/
8	Монгол Улсын Иргэний хуульд заасан өмчлөх эрх шилжүүлэх бүх төрлийн гэрээ, нотариатаар гэрчлүүлсэн гэрээ
9	техникийн хяналтын үзлэгт тэнцсэн байх/шинээр бүртгүүлэх, техникийн өөрчлөлт, бүртгэл сэргээх/
10	улсын тэмдэгийн хураамж төлсөн баримт/улсын бүртгэлийн дугаар нөхөн олголт/
11	автотээврийн хэрэгслийн гэрчилгээний үнэ төлсөн баримт
12	үйлчилгээний хөлс төлсөн баримт
13	автотээврийн хэрэгслийн гэрчилгээ/гэрчилгээ нөхөн олголт, улсын бүртгэлийн дугаар өөрчлөлт/
14	хүчингүй болгосон тухай хэвлэл мэдээллийн хэрэгслээр зарлуулсан баримт/, улсын бүртгэлийн дугаар, гэрчилгээ нөхөн олголт/
15	автотээврийн болон өөрөө явагч хэрэгслийн албан татвар жилийн тухайн улирал хүртэл ногдсон татварыг төлсөн байх/шилжилт хөдөлгөөн, хасалт/
16	хуулиар оногдуулсан торгууль
17	олон улс, улсын чанартай болон тусгай зориулалтын авто зам ашигласны төлбөр төлсөн баримт
18	архивын болон бусад холбогдох баримт бичиг/өөрчлөлт, засвар бүртгэл/
19	Барьцааны гэрээ/барьцаанд бүртгэх/
20	Жолоочийн даатгалд даатгуулсан байх/шинээр бүртгүүлэх, түр дугаар/